


1936

891.99

U - 76



19 NOV 2011

ՍԿՍՆԱԿ ԸՆԹԵՐՑՈՂԻ ԳՐԱԴԱՐԱՆ

891.39

8

պր.

15-76

ՎԱՀԱՆ ՄԻՐԱՔՅԱՆ

1010
40145

ԼԱԼՎԱՐԻ ՎՈՐՍԸ

Պ Ո Ն Մ

Հ Ս Խ Հ

ՊԵՏԱԿԱՆ ՀՐԱՏԱՐԱԿԶՈՒԹՅՈՒՆ

1936



БАГАН МИРАКЯН
ЛАЛВАРИ ВОРС
Гня. ССР Армени, Эривань, 1936 г.

Ծագում ե մանուկ արևը դարնան
 Կովկաս լեռների ձյունի պատնեշից,
 Ջարթում են մեկ-մեկ սարերն աննման
 Ձմրան անվրդով քնի մշուշից:
 Ահա Լալվարի¹ վիթխարի ուսին
 Բազմում ե արփին թարմացած ուժով,
 Սարեր ու ձորեր իրար յերեսին
 Նայում են, ժպտում ամպի մշուշով...
 Վերջին ձյուներն ել արդեն հալ ընկան,
 Արտասովեց իսկույն լեռների հսկան.
 Ամեն մի ձորից աղբյուր ե հոսում,
 Ամեն մի թփից բյուրբյուր ե խոսում.
 Յե՛վ դալար հովիտ, և՛ ժայռի կրճքեր
 Արձագանք տալով դարուն են հնչում.
 Ձմրան փարախից հովվական յերգեր
 Զեփյուռի թևով սարերն են թռչում:

¹ Լոովա ամենաբարձր սարը:

Ծաղկալից աշխարհ անվերջ ձորերի
 Բացվում ե, Ժպտում կոկոնից դվարթ,
 Փարթամ գեղության վոզին Դուզարքի
 Շնչում ե գարնան բույրով անաղարտ.
 Ամպերն ել իրար համբույրներ տալով,
 Չվում են կայտառ, Լալվարը գրկում,
 Առաջին անգամ խիստ վորոտալով,
 Դուզարք աշխարհին վողջույն են յերգում.
 Յեվ հայրենիքում փայլակ-կայծակի
 Դիչերվա դրոշմած գաղտնի համբույրներ
 Յերգում են յերկրին սերը յերկնքի,
 Դողում են սիրուց սարեր ու ձորեր.
 Յեվ խորհրդավոր մի թովիչ ձայնով
 Խոսում են նրանք, իրար հետ փարվում,
 Յերգում են, խնդում, հազար բերանով
 Լալվարի վիթխար հասակը գովում:

2

Ահա գարնան հետ և շարան-շարան
 Դաշտավայրերից դեպի գով սարեր
 Ձգվեց սայլերի, ուղտերի քարվան—
 Փախչում են շոքից թե թուրք, թե հայեր:
 Թնդում են ձորում դանդի հնձյուններ,
 Ձիերի խրխինջ, պայտերի դոփյուն,
 Մեկ-մեկի կրցած անվերջ քարվաններ
 Գաշում ե նառը, ահեղ մռնչում.

Վորը տանում ե ալաչխի¹ քեչան,
 Կուժն ու խնոցին, ճիպոտն ու չաթան²,
 Վորն ել զարդարված գիր³ ու փնջերով՝
 Որորվում, անցնում լեռան լանջերով.
 Բայց նառն ինքնագոհ քայլում ե հանդարտ՝
 Բոժոժ ու զանգեր վզին ու կրծքին,
 Յեվ որորելով կապերտներ ու զարդ,
 Գեղեցիկ հարսն ե նա տանում մեջքին.
 Մերթ բարկանալով կանգնում ե հպարտ,
 Մերթ փրփուր թափում կատաճ բերանով,
 Մերթ յերկար չուրթը կախելով բարդ-բարդ,
 Նա պարծենում ե գեղեցիկ բեռով:
 Բռնել ե ճամփեն խիստ իրարանցում,
 Դոփում են ձիեր, սանձերը կրծում—
 Ազնիվ մետաքսից վոսկեթեկ գործած,—
 Աղաջարիներ⁴ թամբերին գրցած,
 Հուժկու կրծքներից կապած թալիսման⁵,
 Արեւելյան ճոխ արծաթն ու վոսկին,
 ձերմակ զաթիբան, քողն ամպի նման
 Փռուրդում են սիրուն հարսների դեմքին:

3

Լեռների տոնն ե. մարդ և անասուն

- ¹ Հովվական վրանի մեծ տեսակ:
- ² Բարակ ճիպոտներից հյուսած վրանի շրջապատ:
- ³ Թղթերում կարած չար աչքից ապահովող աղոթքներ:
- ⁴ Մետաքսից գործված ձիու ծածկույ:
- ⁵ Թղթերում կարած՝ չար աչքի դեմ աղոթքներ:

Ուրախ յերգերով դիմում են սարեր,
 Մոռնալով ձմրան քաչած վայնասուն,
 Ծաղիկ փնջերով անցնում են ձորեր.
 Անցնում են արագ քոչ-քոչի միջով.
 Գարնան արևից փայլում են դենքեր,
 Յեվ թարմ կենսաբույր թավիչ կանաչով
 Բացվում են, Ժպտում սարվորի դեմքեր:
 Մայում են, բայում գառնուկն ու մաքին,
 Թնդում կովերի, հորթերի բառաչ.
 Իսկ տըրտընդալով գոմեշը ձազին
 Կանչում է դանդաղ վազելով առաջ.
 Վազում են հոգնած շները հոտի
 Յեվ լեզուն հանած թանչին են տալիս.
 Լսվում է հանկարծ ձայնը լակոտի,
 Վոր քոչից ընկած՝ կալանչ է գալիս:
 Փոքրիկ յերեխան պինդ մեջքին կապած
 Խեղճ հովվի կինն ել վազում է վոտքով,
 Ոգնում է մարդուն գոհ և սրտաբաց
 Բախտի վորոչած ծանր վիճակով:

4

Քարվանի ծայրը սարերը հասավ,
 Հասավ ու ձուլվեց թուխ ամպերի հետ.
 Վրան-վրանի հետևից բռավ
 Ծաղիկների մեջ գույն-գույն սիրավետ.
 Դաշտերից խանձված, սառ ջրի կարոտ՝
 Դալիս են, իջնում ամեն մի ամառ

Լոք¹, Լալվար, Լեջան² աղբյուրների մոտ
 Շոքերից ազատ ապրելու համար:
 Այաչուխ դազա³, անվերջ վրաններ,
 Շրջան կազմելով սառն աղբրի ափին,
 Ինչպես ծեր արծվի կարկատած բներ,
 Հենվում են մեկ-մեկ բարձր քարափին:
 Գուգարք սարերի սիզավետ լանջին
 Բազմել են հայի, թուրքի բինաներ,
 Բայց դարձյալ խառնված քոչ-քոչի միջին՝
 Դեռ յերերում են ուղտի քարվաններ.
 Խրինջում է ձին, կովը բառաչում,
 Բոլորն ել իրանց յուրդն ե'ն ճանաչում.
 Մայում է անուշ ամլիկը⁴ գառան.
 Սարեր ու ձորեր նորից կյանք առան:

(5)

Գիշերը հասավ. մթին է ճամփան.
 Մարում է կամաց աղմուկը քոչի.
 Առվակի ափին քարվաններն իջան.
 Կանչում են՝ «Տղերք, ապրանք չկորչի»:
 Ձիերի ջոկեր, ուղտերի քարվան,
 Սայլերի ճրոռոց, վոչխար ու տավար,
 Գտնելով ձորում գիշերն իջևան,

¹ Լոռվա սարերից մեկը:

² Լոռվա սարերից մեկը:

³ Հովվական վրանի փոքր անտակը:

⁴ Մոր հետ անբաժան ապրող և ծծող գառ:

Հանգիստ են առնում մյուս որպէս համար:
 Կրակի վրա, առվակի ափին
 Մի տեղ ընթրիք են շտապ պատրաստում,
 Մի տեղ ել կորած գառանն ու հորթին
 Սար ու ձոր ընկած հովիւին ե կանչում
 Մի այլ տեղ ուրախ չքջան բոլորած՝
 Ուտում են նրանք կաթն ու խորոված:
 Գիշերն ել արդեն մնջում ե, լռում,
 Հողնած քոչվորին հանգիստ քուն բերում:
 Միայն մի կով ե դարձյալ բառաչում
 Յեւ ջունը կտրած հորթուկին կանչում:
 Լսելով նրան գիշերն անդադար,
 Հետո ե տխուր ծերունի անտառ:
 Ամպի փեշերն ել կախած մի ծայրին՝
 Լալվարն ել կարծես նույն վիշտն ե գգում,
 Ինչպէս վիրավոր արծիւը ժայռին,
 Թեւերը փռած քոչվորին հսկում:

6

— Լսե՞լ եք, տղե՛րք, ո՛ւմ ալաչուխն ե
 Լալվարին բաղմած արծիւի նման:
 Լսե՞լ եք՝ են ո՛ւմ ոջախի ծուխն ե
 Խեղճ ու նաչարին միշտ լինում դարման:
 Լսե՞լ եք՝ ինչպէս բաղեն ինքնակամ
 Նրանից ազատ վորս չի պըտըրտում:
 Նրա մի ձենը, անունը անգամ
 Մարդուն, հարամուն սարսափ են ազդում:

Յեւ ուզում ե միշտ ամեն մի սարվոր
 Են ալաչուխին լինել դրացի,
 Հիշելով նրա տիրոջն ալեոր,
 Առանց որհնելու չի նստում հացի:

— Շատ բան ենք լսել Ավագի մասին,
 Բայց դեռ կարոտ ենք նրա յերեսին,
 Քնած թե արթուն, թեկուզ յերազում
 Ամենքն ել նրա մասին են խոսում:
 Պատմում են ահով դաշտին ու սարին,
 Թե ինչպէս ե նա պատժում միշտ չարին,
 Թե ինչպէս երեն փախչելիս հովտում
 Հեռվից ել նրա ձենն ե ճանաչում:
 Բայց, ապի՛, ապի՛, չենք տեսել նրան,
 Յերգի՛ր Ավագից մի քանի բերան:
 Մենք կտանք առատ քեզ յեղ ու պանիր,
 Դու իզիթներին լավ դովարանիր:
 Յեւ նա լարելով նորից սիմերը,
 Յերգում ե՝ վորքան քաջ են հները:

— Ավագ վորսականի անունն ե մենակ
 Սարերին հայտնի ամեն մի մարդու,
 Ավագ վորսականի գոչունն ե մենակ
 Լալվարի գոռոզ վորոտից ազդու:
 Մանուկ որերից նա վորք մնալով,
 Ապրել ե ինչպէս սև ամսը սարին:
 Որոր ե յերգել քամին սուլելով,
 Յեւ նա ննջել ե մամոռտած ժայռին:
 Մթին ձորերի ահավոր կիրճում
 Սիրել ե թանձր վառողի ամպեր:

Ուր փայլակ-կայծակ մահ են շառաչում,
Դրկել է կայտառ սլաք ու շանթեր.
Ընկերն է յեղել մի հին հրացան,
Իսկ անուշ յերգը՝ գնդակի բըզզոց.
Թշնամու ջարդը, ահից ցիր ու ցան,
Հարան-տարանը և տուր ու դմբոց:
Թեև նա ծեր է, ութսուն տարեկան,
Բայց նրա նման չկա մի վորսկան.
Աչքի լուսի պես դեռ զենք է սիրում,
Յերկնքի ծոցից ել վորս է բերում.

Դեռ հեծնում է նա ձին արազավազ,
Սև ամպերի հետ թռչում սար ու ձոր,
Դիտելով լուսնի սահը նազենազ,
Հիշում իր թափած արյունը ծործոր.
Անցնում է ձգված անտառի խորքում
Նեղ ոճապտույտ ժայռոտ կածանը,
Վորից հոսում է, առուն աղմկում.
Կամ թե դղրդում խուլ հրացանը,
Ուր միշտ ծարավի թշնամու արյան՝
Նա թափառելով գիշերը անահ,
Մռայլը դեմքին դժոխքի նման
Նամարդի համար պատրաստել է մահ...

Չիբուխի վրա կրակ դնելով,
Աշուղը կարեց իր յերգի թելը.
Իսկ մեկն ել այսպես նրան հարցնելով,
Կրակին դարսեց նորից փայտերը:

— Բա՛, ապի՛, ապի՛, դեռ չե՞ս իմացել,
Մի նոր իգիթ կա սարերը ընկած.

Ավագ-վորսականից հետ չի մնացել,
Դեռ նրա պես քաջ աշխարհ չի յեկած.
Ձահեկներիս մեջ նրա հասակում
Վո՛չ վոք չի յեղել ենպես շնորհքով.
Ասածո գիշերը անցնում է, զարկում
Ամենահարուստ բեգի որեքով.
Արյուն է կաթում են որը սրտից,
Թե վոր չի թռցնում ձի, տավար հանդից.
Վո՛չ ազգ ունի նա, վո՛չ տեր-տիրական.
Կարո յե նրա անունն իսկական.
Ել բեգ չի մնում, վոր չթալանի,
Նրան ասում են «Դալի-երմանի».
Ել նրա ահից, հարան-տարանից,
Հեռու չեն քշում ապրանքը տանից:
Մինչդեռ խոսում եր Կարոյի մասին
Վառ հափշտակված յերիտասարդը,
Աշուղը կանչեց, զարնելով սազին.
— Դե՛, տեսե՛ք, վո՞րն է քաջ

տղամարդը.—

Լսել եմ, գիտեմ եղ ավագակին.
Բայց ո՛ւր գող Կարո՛, ո՛ւր Ավագ-վորսկան.
Ավագն ե՛լ ինչպես Լավարն ահադին,
Կարոյի նման բլուրներ շատ կան.
Թեև մարդիկ է Կարոն կողոպտում,
Ձի, տավար հանդից քշում ու փախչում,
Բայց դուք ջահել եք, Ավագ-վորսականին
Ինչպես վոր հարկն է, չեք ել ճանաչում.
Կարոյի նման ձիու գողերին

Նա խելի մարդու տեղ ել չի դնում:
 Վորսկան եմ ասում վոչ թե արջերի,
 Վոր տանձ ուտելով ապրում են մերում.
 Վորսկան եմ ասում ավազակներին,
 Վորոնք սարերին փորձանք են բերում.
 Վորսկան եմ ասում, վոր ամեն չարին
 Մատաղ ե անում կարմիր գնդակին.
 Վորսկան եմ ասում, վոր խեղճ-նաչարին
 Պահում ե սիրով իր թելի տակին,
 Վոր ինչպես ձյունը ամպամած սարին
 Գլուխ չթեքած նամարդի սրին՝
 Մի դաս ե առել լեռներից դաժան—
 Արյան վրեժը արյունով առնել,
 Քնած թե արթուն գենքից անբաժան՝
 Թշվառի սիրով ապրել ու մեռնել.
 Վորի ձենիցն ել գնդակ ե բրզզում,
 Անցած ձորիցն ել արյուն ե հոսում,
 Յեվ միշտ վառողն ե ամպերով բուրոն,
 Կայծակի նման շանթում, խորովում...
 Այսպես բարի յե Ավագ-վորսկանը—
 Խոսքը որենք ե, դործը՝ հաղթություն.
 Նա տարածում ե դուրսը թե տանը
 Իր ազդու ձենով սեր ու հաշտություն:
 Յերբ լոնց ծերի սաղը զընգալով,
 Սարերից ձորեր արձագանք տալով,
 Տղերքը նորից խնդրեցին նրան.
 — Այլի ջան, ա'յլի, յերգի'ր վորսկանից.
 Սիմերդ անուշ, դու քաղցրաբերան,

Մենք չենք հեռանալ քո սաղի ձենից:
 «Ավագ-վորսկանի արած գործերը
 Շատ են ու յերկար, սկսեց ծերը.
 Բայց յես կպատմեմ շատերից մեկը,
 Թե ինչպես փախավ վորսկանից բեդը:
 Սրանից կլնեի տաս տարուց ել վաղ,
 Դրացի յեր մեղ Սալմանի որեն՝
 Թալանում եր նա աջ ու ձախ անվախ,
 Աղա յեր նրա ամեն մի գյաղեն՝
 Մի որ դուրս յեկավ Սալմանի բուղեն՝,
 Գողալով վաղեց ինչպես հրեղեն.
 Յեկավ վոր քչի մերին տավարից.
 Մերն ել բարկացավ նրա հավարից՝
 Միքիչ կովերից գնաց, հեռացավ,
 Բուղազոռ տալով, նրան մոտեցավ.
 Դեռ դողողալով յերկուսն ել կրծքից,
 Հեռվից բարկացած կանչեցին իրար.
 Վազելով յեկան թուրք, հայ որեքից՝
 Մեծ բուղակովին նայելու համար.
 Խառնվել են միմյանց մեր, մանուկ ու ծեր,
 Հրո-հոի ձայներ, հա՛յ-հո՛ւյ, դըղըրդյուն,
 Ամեն կողմերից լավում են հարցեր.
 «Վորն ե յերկուսից տանում հաղթություն»:
 Յերկու բուղեն ել ահեղ զարկերով,
 Պողերով, վռաքով գետինն են փորում.

¹ Վրանների խումբ:

² Ծառա:

³ Յույ:

Յերկու բուղեն ել ուռած կրծքերով
 Հպարտ բչալով, կռիվ են գոռում.
 Մեկ պինդ վոլորած պոչն ոձի նման
 Լախտ արած ուժգին՝ գետինն են ծեծում,
 Մեկ ինչպես վերջին ահեղ հրաման,
 Նորից հերսոտած կռիվ են բչում.
 Սալմանի բուղի մընդավը՝ փրփրում,
 Տեսնողի վրա սարսափ է բերում.
 Հանկարծ յերկուսն ել նայելով խեթ-խեթ,
 Դեռ կոթանելով,՝ գնացին հետ-հետ,
 Յեվ նորից յեկան պատրաստի զարկով,
 Մոտեցան միմյանց դեմ տված կողքով.
 Մընդավն ու պոզեր տալով պահապան,
 Յերկու ճակատներ դեմ յեւան, կպան,
 Թըրա՛խք, հա՛, թըրո՛ւխք պոզերով, դանդով
 Զարդում են իրար անխնա զարկով:
 Սառնվում են նորից բեզ ու սարվորներ,
 Նայում են կռվին սրտի տրոփով.
 Թնդում են նորից հըռ-հըռի ձայներ.
 Յեվ բուղաները զարնվում են թափով.
 Փահլեանի պես հենց են պըտըտվում,
 Վոր կուրծք ու ճակատ փրփուր է պատում.
 Դեռ չըրբխկում են, զըրբխկում զարկեր,
 Սալմանի բուղեն հետ-հետ է նայում:
 Կրծքին ու կողքին բացվել են վերքեր,
 Բայց նա յերկուողից դեռ չի հեռանում:
 «Ձուռե՛ց, հա՛, զուռե՛ց,» հանկարծ գոռացին.

¹ Ուրը ² Պոզերով սպառնալով:

Սալմանի բուղեն զըրբխկաց դետին.
 Մեր բուղեն ենպես գոռաց ու բչաց,
 Վոր նրա ձենից սար ու ձոր թնդաց.
 Իսկ բեզի հաղթված բուղեն հեալով,
 Վեր կացավ հազիվ, դնաց կաղալով:
 Յերբ մենք պարտվածին ծաղր ու ծանալով
 «Ղո՛ւ» եյինք տալիս, թքում ու մըրում,
 Բեզը կոտրված մեր հաղթանակով՝
 Նոր կռվի համար ատամ եր սրում.
 — Ես բուղակովի ամոթի մրից
 Մենք չենք ազատվիլ վոչ մի ժամանակ,
 Մինչև վոխ չառնենք ե՛ն բինաներից,
 Մինչև վոր չուտեն նրանք դազանակ:
 Հենց վոր լսեցին վերջին խոսքերը,
 Կալմեջ արին մեզ դադանակներով.
 Թրերը հանած՝ հասան բեզերը
 Ու վրա տվին թունդ աղմուկներով:
 Քար ու դադանակ ամենքի ձեռքին՝
 Իրար դեմ յեւան տղամարդ ու կին,
 Յերկու կողմերից կարկուտից վարար՝
 Քարերով, փայտով Զարդում են իրար,
 Հենց վոր բեզերը հաղթված սարվորին
 Քչելով, հասցրին արխաջի՝ ծերին,
 Հանկարծ սարիցը մի ձեն վորոտաց.
 «Ո՛ւր եք փախչում, ո՛ւր, գետինը մտած.
 Մի՛ք, վախիլ, տվե՛ք, տվե՛ք բեզերին,
 Վոր հանդիստ թողնեն ձեզ ես սարերին»:

¹ Սնատունների բացման հանդստյան տեղ:

—Փախե՛ք, հա՛, փախե՛ք, վա՛յ, կանչեց
բեգը,

Ավագ-վորսկանն է սարիցը վազում.
Փախե՛ք, հա՛, փախե՛ք մտե՛ք դադեքը,
Նրա հետ կռվել մեզ ել չի սազում:

Ել շունչ չմնաց դուրսը վոչվոքից,
Ավագն է նրանց դեռ կանչում դադից.
«Ո՞ւր եք փախել, ո՞ւր, ե՛յ, դուք՝
նամարդներ,

Դո՛ւրս յեկե՛ք, տեսե՛ք ձեր հոգեհոխն,
Թե չէ կպոկեմ բինա-դադաներ,
Ձեմ թողնիլ մեկիդ շունչը բերանին»:

Բեգերից վոչ մի իգիթ դուրս չեկավ.
Սարմանի հայրը կորացած մեջքով
Յեկավ վորսկանի վոտները ընկավ,
Ու նա հեռացավ ծերի խնդիրքով...

Յեվ վառ խարույկի շուրջը բոլորած՝
Տեսած ու լսած արկածն են պատմում,
Յեվ մեծ ու փոքր ականջներ լարած՝
Աշուղ-Գիթոյի յերգերն են լսում.
Պատմում է, յերգում աշուղն անցյալից,
Ձորերում տեսած հին իգիթներից.
Կրակին գցած կաղնի մեծ դերան՝
Սարվորն էլ արթուն լսում է նրան:

— Են որից ես որ բեգերն ամոթով
Հանեցին դլխից կռվի մտքերը.
Պատմում են թուրք, հայ՝ ահ ու սարսափով
Ավագ-վորսկանի արած գործերը.

Պատմում են, վոր նա ինչպես զորավար
Թիլիսմը ունի չար դեռ ու սուրբից,
Վոր նա չի լինիլ գնդակի ավար,
Վո՛չ ել կմեռնի նա մարդու ձեռքից.
Վոր յերկու բան է Ավագ-վորսկանը
Սմենից մոտիկ պահում իր սրտին—
Մեկը Ղրիմու հին հրացանը,
Մեկն էլ մինուճար սիրուն Ալ-վարդին.
Ու դրանց հետը ժանտ ոճի նման
Յեվ մի լուռ վիշտ է միշտ նրան կրծում,
Վոր աստված տղա չտվեց նրան,
Վոր Ավագ անունն պահեր իր ազգում.
Վոր միշտ տեսնելիս սիրուն Ալ-վարդին,
Ձգում է նա իր դատարկ վախճանը,
Յեվ սև մտքերը փաթաթած սրտին՝
Տանջում են նրան դուրսը թե տանը:

«Մի որ աղջիկս յես մարդու կտամ,
Ինքս ել ծերացած աշխարհից կերթամ.
Հրացանս կմնա պատիցը կախված,
Ժանդում ու փոշում անբան շողախված,
Յերկար խանչալս ել, արծաթով պատած,
Վախկոտի մեկը կառնի իր փողով,
Հազար փորձանքի արնով աշխատած
Անունս ել հետը կծածկե հողով.
Սիրուն Գուգարքն ել առանց պահապան,
Քանդելու կգա ամեն մի անբան.
Ել չեմ դուրս գալ յես խոր գերեզմանից,
Ել չեմ գցիլ իմ հին հրացանից»:

Ննջում են արդեն ծեր, յերիտասարդ,
Ավագ-վորականի, Ալ-վարդի մասին
Լուսինն է խորհում յերկնքում հանդարտ:

ՅԵՐԿՐՈՐԴ ՅԵՐԳ

1

✓ Արևը չեւած՝ սարվորն արթնացավ,
Նորից ձորերում աղմուկ բարձրացավ,
Նորից սայլի տակ ճըղռում է ճամփան,
Փրուիրում հարսի քողն ու զաթիբան.
Դալար յուրդերը ամպերի տակին
✓ Աչքերը գցած քոչվորի ճամփին՝
Ժպտալով հակինթ ցողերով առատ,
Կանչում են կարծես բույրով անարատ:
Կանաչի վրան ավթավան՝ ձեռքին
Կրոնասեր թուրքը չոքեց նամաղի,
Ձեռները զգուշ տանելով միքքին՝
Աղոթք է անում աստծուն մեկուսի:

2

Կես ուր է արդեն. կանաչ Լալվարից
Իջնում է հանգիստ վոչխարը կթի.
Կթվելով մաս-մաս, անցնում է բերից²,

¹ Զրամանի տեսակը:

² Վոչխար կթելու տեղը:

Յերկնքի գրկում լողում է լուսին,
Դեռ նստոտած են ծեր, յերիտասարդ,
Ավագ-վորականի, Ալ-վարդի մասին
Խարույկի շուրջը լսում են հանդարտ:
Կաղնի գերանը կրակին ընկած՝
Առատ բոցերով դեռ լույս է սփռում.
Ճարձատում է նա, բռնկում հանկարծ,
Հետն ել աշուղի յերգերը վառում.
Տեսած ու լսած անթիվ գեպերով
Յեւ մեկը մյուսից արժան գործքերով
Դեռ յերգում է նա և այն հաստատում,
Վոր առաջինն է Ավագն աշխարհքում,
Նրանից իգիթ, նրանից հսկա
Ել թուրքում, հայում, վո՛չ մի տեղ չկա.
Յեւ ուշի-ուշով նստոտած համառ՝
Խնդրում են նորից տղերքն աշուղին.

«Ա՛յլի ջան, ա՛յլի, յերգի՛ր մեզ համար,
Ել չենք քնելու մենք լուսնի շողին»:

Բոլորի ուշքն ել վորսկանը տարավ,
Մարում են կամաց խարույկի կայծեր,
Ջահել տղերքը դեռ յերգի ծարավ՝
Ավելցընում են կրակին փայտեր.
Վորը հոգնելուց գլուխը թեքած՝
Նիրհելով կամաց, զարթնում է հանկարծ,
Վորն ել վաղուց է անուշ խըռագնում,
Ավագ-վորականին յերազում տեսնում:
Յերկնքի գրկում լողում է լուսին,

Հսկում ե անուշ վրէժոցը կաթի:

Հովիվ, հովվուհի նստոտած շաբթով՝
Կթում են ուրախ և անհոգ խնդում,
Յերբեմն ել այրված անուշիկ յերգով
Սեր են զարթեցնում մեկ-մեկի սրտում:

Վերջացավ արդեն վոչխարի կիթը,
Կաթսաներ տարան թարմ կաթնով լիքը.
Մեկն ել գդակը շարժելով ողում,
Դեռ գառնարածին՝ «հե՛յ, յեկ» ե կանչում.
Յերկար չանցնելով, սարի գագաթին
Գառների կայտառ հոտը յերևաց.

Խառնվելով նրանք մայրերի հոտին,
Բերկրանքի հույզով մայում են ցրված.
Կանչում են, բայում գառն ու մաքին,
Անուշ ձայներով փնտրում են միմյանց.

Վորը գտնելով իրա գառնուկին,
Ծծել ե տալիս, փայելով սրտանց.
Վորը խաղում ե մոր հետ կուշտ փորով,
Վորն ել մնում ե տխուր մայելով.

Յեվ ամեն անգամ գառը մեր տալիս¹,
Կարծես թե անուշ համեղք են տալիս:

Յեվ շուտ ջոկելով մայրերը գառնից,
Հովիվը քչեց նրանց դեպ արոտ,
Մհակն ել ուսին գառները բինից
Տարավ գառնարած սառն աղբյուրի մոտ:

1 Մայրերին տալիս—ծծեցնելիս:

Հովիվ, գառնարած մի տեղ խմբվելով,
Լախախ յեն խաղում, առույգ թռչկոտում.
Հրճվում են նրանց կայտառ խաղերով
Ծերերը ծածկված գառան մուշտակում.
Ամեն մի նրանց ճարպիկ թռիչքով
Հիշում են վաղուց կորած մանկություն,
Շոյելով ճերմակ միրուքը ձեռքով,
Կանչում են՝ «նամա՛րդ, նամա՛րդ
ծերություն»:

Մեկն իր մուշտակը մի կողմն ե ձգում
Յեվ դիտմամբ խառնվում տղերանց խաղին,
Մի լախտ ե խլում, վոլորում ձեռքում
Յեվ առիթ տալիս անվերջ ծիծաղին.
Կանչում են. «Աթո՛ւ, լախտը թոցրո՛ւ,
Մեր պապի մեջքը մի լավ տաքացրո՛ւ»...
Աթոն ել լախտը վոլորած ձեռքին՝
Տանում ե, բերում մեր պապի մեջքին...

Մի տեղ ձիերը արտոնգի տալով,
Փռուռացնում են, սարերը փախչում.
Ջահել տղերքը քամանդ¹ բռնելով
Նրանց հետևից սյուրադ² են թռչում,
Մի խամ, չնստված վայրի քուռակի
Ամեն կողմից ել կալմեջ են անում.

1 Քամանդ—ձի բռնելու պարան:

2 Ձիարշավ՝ առաջ ընկնելու նպատակով:

Ով նրան մենակ բռնի ու թամբի,
 Նա մի քալաղի նամատ¹ է տանում.
 Բայց տաքացել է, կատաղել խամ ձին.
 Տղերանց վրա ծառս-ծառս² է լինում.
 Յերկար քամանդը քաշելով վզին,
 Խեղդում են նրան և թամբը դնում.
 Չուռնեն էլ՝ թողած մի կողմը լախտին,
 Փչում է արդեն տաք-տաք ջրերիցին.
 Տղերքը միմյանց առաջ են քշում,
 Ծերերը դարձյալ խոր ախ են քաշում:

4

Հարս ու աղջկերք սափորը ուսին՝
 Գնում են խումբ-խումբ աղբյուրը ջրի
 Դողում են նրանց ժպտուն յերեսին
 Բոլոր գույները Գուգարք լեռների.
 Յեվ բյուր ծաղկանիչ նախշուն շորերով
 Անցնում են նրանք ուղին հոտավետ,
 Յեվ թարմ կուսական հմայիչ բույրով
 Մրցում են սարի ծաղիկների հետ:
 Յեռում է խաղը հարսների դիմաց,
 Նայում են միմյանց աչքերի տակով.
 Կարմրում են, ժպտում կույսերը կամաց,
 Անցնելով անուշ սիրո տրոփով:

¹ Մրցանակ և տանում:

² Հետին վտանների վրա կանգնում—ծառսնում:

Բայց, ա՛յ քեզ հրաշք, մի չչուկ անցավ.
 «Ալվա՛րդն է գալիս, Ալվա՛րդն է գալիս».
 Յեռուն ջրերից իսկույն դադրեցավ,
 Բոլորն էլ սառան նրան տեսնելիս:
 Հուր-հրին տալով քողի արանքից,
 Նրա աչքերը հանեցին խելքից.
 Ել վոչ ջրերից կա և վոչ էլ զուռնա.
 Ալվարդի նետին ո՞վ կդիմանա.
 Ջրերդներն ընկան հուժկու ձեռքերից,
 Ախ ու հառաչանք թռան կրծքերից.
 Չուռնան էլ մոռցած լախտն ու ջրերիցին՝
 Նրանց տեղ զլեց այրող բայաթին.

Ջեյրանի նման
 Բինից դուրս գալը,
 Սափորը ուսիդ
 Սարին սուրալը,
 Ա՛խ, եդ աչքերիդ
 Վառվռուն հուրը,
 Սիրուն պատկերիդ
 Նոր կյանքի բույրը,
 Շուրթերիդ բացվող
 Վարդը ժպտալիս՝
 Մեզ, սիրուն աղջիկ,
 Հանդիստ չի տալիս:
 Ա՛յ, սիրուն աղջիկ,
 Ա՛յ, սարի աղջիկ,
 Շուտ-չուտ դուրս արի
 Աղբյուրը ջրի:

Մեն-մենակ դու յես
 Ծաղիկը սարի,
 Մեն-մենակ դու յես
 Զարդը աշխարհի:
 Առանց քեզ սարին
 Հատնում ե բույրը.
 Առանց քեզ աղբրում
 Ցամքում ե ջուրը:
 Ծաղիկ ու դալար,
 Աղբյուրը զուլալ,
 Սուրալով արի՛,
 Ծունչ տուր, զարդարի՛:
 Ա՛յ, սիրուն աղջիկ,
 Ա՛յ, սարի աղջիկ,
 Հասիր մեզ սիրով—
 Սափորիդ ջրով:
 Ա՛խ, մեր սրտերը
 Վառել ես հրով,
 Բայց դեռ ապրում ենք
 Հեռից քո բույրով.
 Ապրում ենք, ջե՛յրան,
 Յերգերի բոցում,
 Ինչպես բյուրեւոյը
 Վարդերի ծոցում:
 Զահել սրտերում
 Քո վառած հուրը
 Զի մարում, աղջիկ՛,
 Սափորիդ ջուրը:

Ա՛յ, սիրուն աղջիկ,
 Ա՛յ, սարի աղջիկ,
 Թեկուզ մեզ վառի,
 Ծուռ-չուռ ջուրն արի՛:
 Ալ-վարդի համար ա՛խ են հառաչում
 Գուգարք լեռների ամեն մի ձորից,
 Ալ-վարդի համար մեղուն ե թռչում
 Լոռվա առաջին խամ մեղրի ծորից.
 Ուտում են աչքով ամենքն Ալ-վարդին,
 Բայց սերն անհայտ ե դեռ նրա սրտին.
 Նա դեռ ապրում ե յերազների մեջ,
 Դեռ նրան այրել չի սերը անչեջ.
 Բայց են ել ասած՝ Ալ-վարդի ահից
 Ո՞վ կարա անցնել Ալ-վարդի մոտով,
 Կամ թե փախցնել նրան աղբյուրից՝
 Ո՞վ կարա իսկի անցկացնել մտքով:

5

Սև ստվերները հսկա լեռներից
 Զորերն են ընկել, մեկ-մեկի գրկել,
 Լուսնի յեղջյուրը մռայլ ամպերից
 Հալածված դեմքը դեռ չի ազատել,
 Թանձր յեթերյան սև քողը դեմքին
 Վազվզում եր նա սոված ու անքուն
 Նայելով հերթով բոլոր ոբեքին,
 Հսկում եր նրանց գիշերը արթուն.
 Որոր եր յերգում առուն ձորերում,

Մարում եր մեկ-մեկ կրակն որեքի,
 Բայց աղանակիր սարի խավարում
 Մենակ մի՛ կայծ եր դողում ճրագի.
 Ղարախաչ՝ սարի գիծ դադաթներին
 Լուսինն ել գերի մնաց ամպերին.
 Այնտեղ ծովիանն ե խաղում, վորոտում,
 Հրեղեն գոտին յերկնքով պատում:
 Շրփչրփաց անձրեւ. ամեն մի տեղով
 Առուններ դառան պղտոր հեղեղով:
 Չարթնելով քնից սարվորը հանկարծ,
 Ամրացրեց դագի հին ծակ ու ծուկը.
 Տավար ու վոչխար իրարով ընկած՝
 Խառնեցին միմյանց գառն ու հորթուկը.
 Հովիվը հասավ աղդարար ձայնով
 Հավաքեց նրանց՝ դեպի արխաջը,
 Բայց դեռ լավում եր տխուր ոռնալով
 Դուլանից՝ փախած չների հաջը:

Սարեր ու ձորեր ահից դողալով,
 Արձազանք տվին փայլակ-կայծակին.
 Լեռների վորդին մթին գիշերով
 Անցնում եր հեղեղ՝ մի սև ձի տակին.
 Ձին առանց զարդի, սանձի ու թամբի
 Ցատկում եր արագ ժայռերի վարսեր,
 Ինչպես մի ստվեր սևակնած ամպի,
 Թռչում եր գետեր և դար ու փոսեր:

¹ Լուսա և Շիրակի սահմանում ձգված բարձր սարը:

² Շան նստելու և հոտին հսկելու տեղը:

Իսկ դոփյունները պինդ սմբակներից,
 Արաձազանք տալով խորին ձորերում,
 Կայծին են տալիս և հանկարծ մարում.
 Ռնգներից ամպի փրփուր ե հոսում,
 Խառնվում պղտոր վշշան հեղեղին.
 Ձին իր հեծվորին այնպես եր սաղում,
 Ինչպես, վոր նետը իրեն աղեղին:
 Գոռում եր, ճչում ահավոր կիրճում
 Փրփրած բաշով սևացած ուրկուն՝,
 Բայց ձիավորը մի աղոթք մտքում՝
 Դեռ մրմնջալով, քշում եր անքուն.
 «Ես ուրկունիցն ել թե դուրս թռավ ձիս,
 Մուրազ եմ անում դնամ Սուրբ Սարգիս.
 Հասվեհաս եմ հա՛, ճրագ եմ տեսնում,
 Գիշերս կմնամ Սառնաղբրի բինում.
 Հենց վոր անձրեւ մի քիչ դադարի,
 Նորից կբռնեմ ճամբեն անտառի»:
 Աչքերը հառած բինի ճրագին,
 Հեծվորն եր այդպես ձիուն մրմնջում,
 Նրա սև բաշը վոլորած ձեռքին,
 Կարծես ուզում եր հասնել մի չնչում...

Փռուցրեց սև ձին, դոփեց սմբակով,
 Նետի պես ցցվեց արխաջի ծայրին,

¹ Հեղեղից առաջացած մեծ դետ:

Մի շուն գոլանից վեր թռավ հաջով
Յեւ թարչարժ արավ քնից սարվորին.

Շներն աղմուկով զայրացած հասան,

Այն ձիավորին կարմեջ արեցին.

Իսկ հովիվները՝ «Ո՞վ ես» ու «քիմ սան»

Նրան խավարից մեկ-մեկ ձայնեցին:

— Մթին գիշեր է, կորցրել եմ ճամփես,

Պատասխանեց նա, հյուր եմ յեկել ձեզ:

Ութսունից մոտիկ վեհ, բարձրահասակ,

Հերքը ալևոր, ձյունից ել ճերմակ,

Արծաթապատյան դաշույնը գոտկին,

Հին արկածների կնճիռներ դեմքին,

Սև-մազ յամինջին ուտերին բաղմած,

Յերկար չիբուխն ել բերանին սեղմած,

Կանգնելով ծերը ալաչխի շեմքին՝

Խորխտալի ձայնով կանչեց ճամփորդին.

«Յե՛կ, ճամփորդ ախպեր, արխաջի

մոտով,

Դուրսը անձրև է խառը կարկուտով.

Մինչև չնստես դո՛ւ յե՛կ իմ տանը,

Պատառ չեմ դնիլ յես իմ բերանը.

Յե՛կ, ա՛խպեր ջան, յե՛կ, դոնադն՝ Աստծունն է՛,

Անմեռ աշխարհն ել իգիթ մարդունն է»:

Հեծվորը յեկավ ծերի հրավերով,

Սև ձին ել տակին սև ամպի նման,

Ուռած ոնգներից թառանջ քաշելով,

Թռավ ու կանգնեց նրան հանդիման:

— Բարի իրիկուն, ասաց նա, սարվոր,

Վատ որ չտեսնի գլուխդ ալևոր.

Թո՛ղ վառ լինի միշտ բինում ճրագդ,

Թող տափը չառնի վերջին գնդակդ:

«Բարին արեդ. համեցե՛ք, վո՛րդի,

Թո՛ղ ձիդ որյուկի՛ հանդումը ծառան,

Դու յե՛կ անձրևից ալաչուխ մտի.

Ալ-վարդ ջան, վե՛ր կաց, դու յե՛կ տաքարան,

Վորսի խորոված շամփրի՛, պատրաստի,

Կուշար սովածին մանր կբրդի»:

Այդպես պատվերներ տալով Ալ-վարդին,

Ալաչուխ տարավ ծերը ճամփորդին,

Վորի յամինջից ծորում էր ջուրը,

Ինչպես մամոռտած ժայռից աղբյուրը.

Բայց նա թափ տալով շորերը շեմքին,

Մոտեցավ նստեց ծերունու կողքին:

Թուրն ու դաշույնը կեռ արծաթապատ,

Գնդակ-վառոդի ամանը գոտկին,

Չախմախի հրացան դուգված տասնաբանդ,

Շահմար՝ ոճի պես լուռ փարված մեջքին,

Չենք ու զրահում, արծաթում մ'տած՝

Ճրագի լույսով հյուրը շողշողաց:

Սերն ու կարագը առաջ բերելով,

Ալ-վարդն յեփում է դեռ տաքարանը.

Մի քանի խոսքով սուփրենն որհնելով,

Ծերունին դարձավ աղոթարանը:

1 Որյուկի՛ արածիկու համար կապիլ յերկար թոկով:

2 Ոճի թողափոր:

— Թո՛ղ նրան տանի սելայն ու գետը,
 Ո՛վ աղ ու հացի որենքն ուրանա,
 Ո՛վ զոնաղ յեկած թշնամու հետը
 Ձի նստիլ ուրախ մարդի-մարդանա¹.
 Թշնամի կլնես թե ինձ բարեկամ,
 Դուռս բաց կլնի քեզ ամեն անգամ.
 Քանի վոր կուզես իմ ալաչուխում
 Սիրտդ բաց՝ արա ինձ հետ կերուխում:
 Յերբ շամփուրները մեկ-մեկ շարելով,
 Դարսում եր կույսը կարմրած շեղջին,
 Կամ խորովածը արագ շրջելով,
 Բերում եր, դնում հյուրի առաջին,
 Յուրուն աչերը հոնքերի տակից
 Ընկնում եյին միշտ փայլուն զենքերին
 Յեվ ալեծածան մաղի արանքից
 Նա գաղտագողի դիտում եր հյուրին:
 Խիտ գանդուրները հանկարծ ցնցվելով,
 Մերթ այտերն եյին վարդի պես փայլում,
 Մերթ շամփուրները նորից շարելով,
 Հյուրի սիրտն ել եր նա հետը ալրում:
 Յե՛վ անքնություն, և՛ յերկար ճամփեն
 Վերացան իսպառ ճամփորդի մտքից.
 Սև-սև աչքերը շանթելով արդեն,
 Անցան շեշտակի սուր նրա կրծքից.
 Մոռացավ ինքն իրան, յերկիր ու յերկին,
 Յերբաց անուշ, անսովոր գողով,

¹ Տղամարդորեն:

Յեվ կյանքի դնով գողցած նժույդին
 Նա մոռցավ միայն յերկու աչերով:
 Տեսնելով հյուրի թևի արյունը,
 Ծերունին հարցրեց նրա անունը.
 «Ինչի՞ չես, վորդի՛, դարդդ ինձ ասում,
 Եդ ի՛նչ արյուն ե թևիցդ հոսում.
 Յե՛կ, դու մի՛ ծածկիր, անունդ ինձ բախչի,
 Ձեմ թողնիլ, վոր քեզ եդ ցավը մաշի:
 Ավագ վորսկանն եմ Գուգարաց յերկրի,
 Կռիվների մեջ հերքս ճերմակած.
 Քեզ նման յես ել հագար վերքերի
 Խոռոչներ ունեմ մարմնիս ընկած»:
 — Տեր ինքը հաստատ պահի քո տունը,
 Վաղուց եմ լսել քո մեծ անունը.
 Ձախ թևիս միջին գնդակ ե մնացել,
 Ինչ անես, ա՛պի, դժվար ե հանել:
 «Ա՛նհող կաց, վորդի՛, ինչ վերք ել լինի,
 Աղջիկս նրան դեդ ու ճար կանի:
 Նա սովորել ե հանգուցյալ մորից,
 Վոր բժշկում եր գնդակ ու սրից:
 Ալ-վարդ ջան, ա՛ղջի, ճար ունես, դե՛, տես.
 Ձահել ե, մեղք ե, կռնատ չթողնես»:
 Յեվ Ալ-վարդն յեկավ դեղի փաթեթով,
 Գնդակը հանեց մի յերկար կարթով,
 Վերքը նա լվաց, դեղը փաթաթեց,
 Վրան մետաքսի թաշկինակ կապեց.
 Իսկ հյուրն Ալ-վարդով այնքա՛ն հիացավ,
 Վոր գնդակ ու ցավ իսպառ մոռացավ:

«Դե՛, պատմի՛ր, վորդի՛, գլխիդ անցածը,
Թե վորտեղ հասավ քեզ եդ արկածը»:

— Ա՛յ, ա՛պի՛, լսի՛ր, սրտիս գաղտնիքը,
Վո՛չինչ չեմ ծածկիլ, կպատմեմ անվախ.—

Յեւ վո՛ւրն արբյունով աչքերը լիքը
Դեռ վազրի նման նետեց աջ ու ձախ.

— Բայց առաջ բախշի՛ ինձ, Ավագ-
վորսկան,

Վոր ինձնից ճարպիկ գողեր ել չկան.

Իսկ թե քեզ մոտ ել դուրս գամ մեղավոր,
Ինձ համար յեղի՛ր դու խիստ դատավոր:

«Իզուր ես յեկել, մտել իմ առնը,
Ինձ մոտ չես գտնիլ քո փրկությունը.

Հոգիս ել կտամ յես իմ դո՛նադին,
Բայց չեմ խնայիլ, պաշտպանիլ դողին:

Գիշերս կտամ յես քեզ ապաստան,
Կզարթնես քնից, կերթաս ապահով,

Հետո կփնտրեմ յես ինչպես վորսկան

Յեւ կանեմ մի որ քեզ զնդախորով:

Դե՛, պատմի՛ր, տեսնեմ, եդ ինչ ահարկու՛
Մարերը ընկած ավազակ ես դու»:

— Գարուն եր, ապի. սարը քոչելիս՝

Մի քանի հարուստ թուրք աղալարներ՝

Աղբյուրի ափին նամաղ անելիս,

Որյուկել եյին իրանց ձիաներ:

Յերբ յես անտառից հանկարծ դուրս յեկա,

Նրանց միամիտ բարով տվեցի,

Նրանք ծաղրեցին և հըռհըռալով

Հարցրին ինձ.— Ե՛յ, ձո՛ւ գողացար, թե ձի:

Են որից թեև տարիներ անցան,
Բայց նրանց ծաղրը մնաց իմ սրտում,
Յեւ յես յերգվեցի են ծաղրի թույնով
Լինել ավազակ գող և մարդասպան,
Գիշերը անցնել բեգերի բինով
Յեւ մահ գողալով, քչել ամեն բան:
Հենց ե՛ն ինձ ծաղրող մեծ աղալարին
Գիշեր ու ցերեկ փնտրելով արթուն,
Վերջը յես գտա Ղարախաչ սարին,
Ուր նա հայտնի յե ինչպես մեծատուն:
Ասլան-բեգն ե նա, քաջ և անվանի,
Տալար-վոչխարի հոտերով հարուստ,
Բայց ամենից լավ մի սև ձի ունի,
Վոր աշխարհ արժի մենակ արտաքուստ.

Ձի հասնիլ նրան հին հեքյաթների

Թեկուղ հրեղեն ձին իբ թևերով,

Ձի հասնիլ նրան և զնդակների

Կարմիր տոթոցը մռայլ գիշերով.

Առաջուց դիտե նա՝ թե փորձանքը

Յե՛ւ թե հեծվորի սրտի բաղձանքը:

Մթին գիշեր եր, հենց գողի գիշեր,

Յերբ Ասլան-բեգի որին մոտեցա.

Հենց վոր որյուկը բհրից կտրեցի,

Վեր կացավ հանկարծ մի շուն դռանից,

Յերկաթի վռակալն ել վոր կոտրեցի,

Դղրդաց որեն հարայի ձենից.

Մարդիկ վազում են, շները հաչում,

Բայց յես փորըսող գետնին եմ կաշում,
Յեւ չարահրոցի թունդ տրաքտրաքոցին
Թռչում եմ, սանձում վոտկապով սև ձին:
Նորից դղրդաց, գնդակ վորոտաց.

«Տարան հա՛, տարա՛ն բեզի սևուկը».

Բայց յես նետի պես ահանջը մտած
Քշում եմ նրանց դոված նժույգը.

Տրա՛ք, հա՛, տրա՛ք գնդակներ թռան.

Խառնվելով որեն, գոռում եր. «տարա՛ն,

Հասե՛ք, հա՛, Հասե՛ք դալի երմանին,

Կենդանի թաղեց իգիթ Ասլանին»:

Խրինջում եր ձին, վոտկապը կրծում,

Փրփուրն ամպի պես ռնգներից գցում

Յեւ կրակ կտրած ենպես եր վազում,

Վոր կասես հեռվից գնդակ եր բըզզում:

Թե վոր յես նրան հեծած չլնեյի,

Ով գիտեր, թե վողջ ետեղ հասնեյի»...

Հանկարծ զրույցը Կարոն կտրելով,

Դիմեց վորսկանին, այսպես խնդրելով.

— Հերիք ե, ա՛լի, յես լույսն եմ ընկնում,

Տալար ու վոչխար արոտ են գնում.

Թե նամարդ եմ յես, դարկի՛ր գնդակով,

Թե չե, ճամփա տո՛ւր ինձ քո որհնանքով:

«Համբերի՛ր, Կարո՛, համբերի՛ր միքիչ,

Մի որ ել կլնես թույլերի փրկիչ.

Ես գիշեր պատմած գլխիդ անցքերը

Մոռցրին ծերիս ճերմակ հերքերը.

Թե գող լինեյիր չատի պես անմխտ,

Յես չեյի ասիլ քեզ յերբեք իգիթ.

Բայց յերբ վոր գող ես մենակ թասիբից,

Նամարդ բեզերին պատժելու համար,

Ոգնություն կզա քեզ ամեն սուրբից

Յեւ դու կլինես անհաղթ զորավար.

Մարդը նամարդին թե մյոհտաջ կանես,

Ալադ—վորսկանից պատիժդ կառնես.

Դե՛, տուր խանչալդ, որհնեմ իմ սրով,

Վոր քեզ տեսնելիս դողա թշնամիդ,

Գեղ պես թասիբի ավազակներով

Լցվեն մեր յերկրի սար, դաշտ ու հովիտ»:

Ծերը պատյանից դաշույնը հանեց

Յեւ, խաչ քաշելով Կարոյի սրին,

Պապական ծխով նա քաջին որհնեց.

Ապա որյուկից նրա ձին բերին.

Յեւ Կարոն թռավ առույգ վոստյունով,

Կպավ մերկանդամ սևուկի մեջքին.

Խրինջաց սև ձին ու փռնչյունով

Թռչկոտաց հուժկու հեծվորի տակին:

Յեւ սիրտն ու հոգին թողած Ալ—վարդին,

Նա մնաս բարով ասաց Ալադին:

Ծեղում ե արդեն, բայց Կարոն չկար՝

Ալ—վարդը գնաց՝ ինչպես խելագար՝

Ալազուխ մտավ, սափորը ուսեց,

Յերգի մրմունջով աղբյուրը վազեց:

Ձիու հետքերը հանկարծ նա գտավ,
 Այնտեղից պոկեց մի փունջ կանաչ խոտ
 Յեւ համբուրելով նրա մեջ դրավ
 Կարոյի թողած գնդակը արնոտ:
 Բայց խոր ձորերում կամաց մարելով,
 Դեռ զրնգում էր պայտերի դոփյուն,
 Նրան յերբեմն արձագանք տալով,
 Ձուլում էր յերգի անուշիկ հնչյուն.
 Ալ-վարդն էլ հենված դեռ ժայռին գաղտնի՝
 Կարծես ուզում էր յերգողին գտնի:
 Բայց յերգ ու դոփյուն խառնվելով իրար,
 Հեալով անցան անտառից անտառ.
 Իսկ թևից հանած գնդակը ծոցում
 Այրում է նրան, վորպես հնոցում.
 Վիրավոր հյուրի պատկերն էլ սրտում
 Սափորը ուսին յերգում է տրտում.—

— Մեր տուն յեկող ձիա՛վոր,
 Արծրվի պես վիրավոր,
 Եդ ո՞ւր թռար դու շուտով
 Սև ձին նստած յափնջով:

Ա՛խ, ո՞ւր թռավ են տղեն.

Սիրտս հանեց նա տեղեն:

Ա՛խ, հեռացար դու աչքես,
 Չես հեռանում վառ մտքես.
 Դեռ տեսնում եմ նստած ձին՝
 Վրեդ քաշած յափնջին:

Ա՛խ, ո՞ւր թռավ են տղեն,

Սիրտս հանեց նա տեղեն:

Ամպ ու հեղեղ, մութ գիշեր,
 Լալվար սարի սև փեշեր,
 Դո՛ւք են տղին զրահով
 Պահպանեցեք ապահով:
 Ա՛խ, ո՞ւր թռավ են տղեն.
 Սիրտս հանեց նա տեղեն:

8

Որվա հոգսերից հոգնած արևը
 Ննջում է հանգիստ սարի քամակին.
 Ամպերի նման սարի վերևը
 Բինեքի ծուխն է փարվում ահագին:
 Սարեր ու ձորեր լուռ են հոտերով,
 Աղբյուր ու ծաղիկ արթուն տենչերով
 Դալար սարերի կենսատու ողում
 Յերազների մեջ սեր են թռլարտում:

Ավագ-վորսկանը, հայրը Ալ-վարդի,
 Ձիուսիւր բերնին դեռ նստած արթուն՝
 Հիշում է մտքում կյանքը վորսորդի,
 Դիտելով ծուխը գիշերը արթուն.
 Յեւ արշունաների ծեր հիշողության
 Ամեն մի մոռցած, կորած անկյունում
 Սև ձիւի մոայլ ամպերի նման
 Անցած որերն են մեկ-մեկ բարձրանում.
 Իսկ ալաչուխում պառկած առանձին
 Գլուխը բարձին այրվում է Ալ-վարդ.
 Քնի մեջ կարծես թռել է հոգին

Մի աշխարհ՝ անվերջ անուշ ու անդարդ:

Մարել են ճրագի կայծերը աղոտ
Ննջում է ամբողջ որեն մրափած.
Հանկարծ հեռվում թնդաց մի վորոտ,
Խոր քնից իսկույն Ալվարդը զարթած՝
Աչքերը հառեց ծերունու դեմքին
Յեւ պատմեց հուզված մի յերազ միջին.

«Քնած եյի յես, տեսա յերազում
Մի սիրուն պախրա անտառից վազեց,
Մեր կովերի հետ կանգնած արխաջում՝
Աղաքարերից միքիչ աղ լիզեց.
Նա սրդեր ուներ մեկ-մեկի վրան
Անտառում բսած ծառերի նման.
Ինչպես մի ընկեր կարոտած սիրով,
Յեկավ փաթաթվեց, փարվեց իմ շորով.
Բայց մեկ ել տեսա ապիս բարկացած,
Հրացանը լցրեց, դարձավ դեպի մեզ.
Յես ել վեր թռա տեղից վախեցած,
Կանչեցի նրան, խնդրելով եսպես.
Ա՛յի ջան, ա՛յի, մի՛ սպանիր պախրան
Թո՛ղ բռնել եմ յես, վոր սրահեմ նրան.
Ապիս չլսեց. խեղճ պախրան ընկավ,
Կասես թե զնդակն իմ սրտովն անցավ»:

Վերջն այսպես խոսեց խոր հորանջելով,
Հաբեան բինի մի պառավ կնիկ,
Վոր թափանցել եր դարի դցելով,
Մեծ յերազների խորհուրդ ու գաղտնիք.

— Յերազն է անվերջ մի սիրուն աշխարհ,

Ուր միշտ ապրելով ինչպես վողիներ,
Կարոտ սրտերը դանում են իրար.
Շնչում են անուշ, թափում արցունքներ:
Լսում եմ, Ա՛լվարդ, սրտիդ տրոփից՝
Դու դեռ դողում ես մահվան սարսափից:
Ո՞վ է բաժանել կյանքը յերկուսի,
Ո՞վ է խանգարել հանգիստը կույսի:
Գնդակ ու պախրա, լացը կուսական,
Խաղեր չեն յեղել անհոգ մանկական,
Այլ մարմնից ազատ յերազի վողին
Գուշակել է զո մռայլ ապագան.
Յե՛վ տանջանք է նա պատրաստում կրծքին,
Յեւ խոստանում, թե լավ որեր կգան:
Կազատվես, Ալվարդ, դու չար փորձանքից՝
Թե պախրա չընկնի հորդ զնդակից»:

Յեւ Ալվարդն այնպես պառավից լսեց,
Վոր այն յերազից ցավ չկա իրան.
Յերազահանն էլ ծերին համոզեց,
Վոր այնուհետև վորս չանի պախրան.

9

Խոր ձորի միջին մի ժայռի կրծքից
Աղբյուր է բղխում ուրախ քչքչան.
Նրա ձայները անուշ բյուր յերգից՝
Մարեցու համար վաղուց սրբացան.
Սիրո-աղբյուր է նա հնուց ասվել,
Սիրուն կույսեր են միշտ նրան ուխտել.

Յեւ զուշակել ե ջրի յելեվել,
Թե ով յերջանիկ կլնի սիրո մեջ:
Դարերից ի վեր աղբյուրը հոսում,
Դեռ սիրո մասին յերգեր ե հյուսում,
Յեւ զլլալով ձմեռ ու ամառ,
Դեռ նա յերգում ե սիրելու համար:

Գնում ե Ալվարդ գեպ Սիրո-աղբյուր՝
Իրանց տան համար տանելու պաղ ջուր:
Հասնելով ձորը մի նեղ կածանով,
Դեռ ծաղիկներ ե նա շարում կրծքին
Յեւ զյուլումներից մեղմ անուշ ձայնով
Յերգում ե Սիրո-աղբյուրի ափին.
Սարերն ել նրան ուրախ քրքիջով
Արձագանք տվին ժայռերի միջով.—

«Աղբուր, ա'ղբյուր, ջա'ն աղբյուր,
Ջուրդ գլղլան աղբյուր,
Վարդը բացվում ե բույրով,
Սերն ապրում ե համբույրով.

Թե վոր գտնես իմ յարին,

Մոմ կվառես քո քարին»:

— Ալվարդ, Ալվարդ, ջա'ն Ալվարդ,
Բյուլբյուլն երվում ե անվարդ.

Հեռվից տանջված քո սիրով՝

Դեռ կոպում են հուր-սրով.

Բայց ամենից՝ աշխարհում

Քաջ կարոն ե քեզ սիրում:

«Աղբյուր, ա'ղբյուր, ջա'ն աղբյուր,

Ջուրդ գլղլան ա'ղբյուր,

Վա'յ թե ապիս իմանա

Ու մեզ վրա բարկանա՞.

Յեթե կարոն ինձ տանի,

Վա'յ թե նրան սպանի՞»:

— Ալվարդ, Ալվարդ, ջա'ն Ալվարդ,
Բյուլբյուլն երվում ե անվարդ.

Թե վոր մեռնեք յերկուսով

Աշխարհի մեջ նամուսով,

Սիրո շեմքում ձեր ճրագ

Վառ կմնա անկրակ:

10

Սև ամպի նման սև ձիավորը
Սարից աղբյուրն ե թափ առած քշում.
Վեր թռավ հանկարծ կույս ուխտավորը,
Վազում ե բինեն սիրո մշուշում:
Աղբյուրի ափին լալվարի կույսին
Կարոն սիրել ե սափորը ուսին.
Թեկուզ և զարկեն զնդակ մահացող,
Կարոն ընտրել ե նրան հարսնացու:
Ջարթնելով սերը յերկու սրտերում,
Աղբրի ափերն են միշտ նրանց քաշում.
Փնտրելով միմյանց դալար ափերում,
Սիրո յերգերով սրտերն են մաշում:

«Լալվարա բարձր սարից

Շատ սիրուն ե աշխարհը.

Ամպի սակի աղբյուրից

Ձուր ե տանում իմ յարը:
Աղբյուր, ծաղիկն ու լալը¹
Շատ առատ են Լալվարին.
Բայց իմ սիրած մարալը
Արժի արար-աշխարհին:

Սարի շուշան մատերով
Հանեց նա իմ գնդակը,
Սարի նախշուն աչերով
Անցավ սրտիս հատակը:
Ա՛խ, են աղջիկն աչք-ունքով
Չարկեց ինձ նոր գնդակով.
Ձուր ե թռչում իմ սև ձին—
Սիրտս կպավ Ալվարդին»:

—Ո՛ւր ես թռչում, ձիավոր,
Չորերն է վեր վերավոր.
Քո գնդակը վառ բոցում
Չե՞ վոր մնաց իմ ծոցում:

Ա՛խ, հեռացար մեր բինից,
Ինձ զրկեցիր դու քնից.
Յե՛տ արի՛, յե՛տ, բինեքով,
Սմպի նման քուլեքով:
Յե՛տ արի՛, յե՛տ, ձիավոր,
Մութ գիշեր ե ահավոր.
Թութ՛ր սարի քամակով
Կայծակի պես փայլակով:
Դե՛, թը՛ռ, արի՛, ձիավոր,

Արծվի պես թևավոր.
Յե՛տ, արի՛, յե՛տ Լալվարը,
Մենակ մնաց մարալը:

ՅԵՐՐՈՐԴ ՅԵՐԳ

1

Ուր սուր ծերպերով ահեղ ջիր ու ցան
Լեռներն են բազմած բնության արձան,
Ուր մութ ամպեր են գունդագունդ զինվում,
Փայլակ-կայծակով իրար հետ կուլում՝
Չարներով միմյանց յերկիր ու յեթեր,
Թռչկոտում են հուր կայծակի շանթեր,
Խաղում են, գոռում ճայթյուն վորոտով,
Ծեծում լեռներին, ծաղրում կարկուտով—
Այնտեղ գիշերվա խավարի միջին
Մի խարույկ վառվեց Լալվարի լանջին.
Չորերի քաջեր վորսի յեն յեկել,
Կրակի շուրջը կարգով նստառել.
Վոմանք շտկում են շողշողուն գենքեր,
Կարմիր բոցերից փայլում են դեմքեր,
Վոմանք խորովում յեղնիկ կամ վարազ
Յերկար ձողերով շեղջի վրա շարած,
Յեվ լուռ նստոտած յափնջի տակին՝
Շարունակ լարված լսում են մեկին:
Ինչպես խոր ձորում գնդակ ու վառուդ՝
Թնդում ե մեկի ձայնը կրակոտ,

Այնպես ե գլխի անցածը պատմում,
Կարծես Լալվարին ամպ ե վորոտում:—

«Անցնելով հազար արյուն-վորձանքից,
Մահվան հետ ընկեր—ախպեր եմ դառել,
Նամարդ չի պրծել դեռ իմ գնդակից,
Գլխիս մազի չափ վորսեր եմ արել.
Դեռ ուժ ունեմ յես վազրից առաւել,
Գնդակս ել վորսից իսկի չի շեղվել.
Բայց աղջիկս արդեն տեսավ յերազում,
Վոր վորս անելը ել ինձ չի սաղում.
Յես ել ուխտում եմ արյուն չթափեմ,
Այլ ջահելներիդ համար աղոթեմ,
Վոր դուք ել գնաք իմ թողած հետքով,
Պահեք ավանդը մեր հին պապական,
Մեկն իր կատարած արժանի գործքով
Իմ տեղը լինի նո՛ր Ավագ-վորսկան»:

Զարմացած ծերի վերջին խոսքերով,
Տղերքը դարձան նրան հարցնելով.

— Քեզնից ձորերում՝ դող ու մարդասպան
Դողում են մարդիկ, հարամի, դազան.

Ով վոր գնդակիդ ձենը լսում ե,

«Ավագ-վորսկանն ե ելի», ասում ե.

Թեկուզ դու լինես հարյուր տարեկան,

Ո՞վ կարա լինել քեզ նման վորսկան:

«Մի չարաթ ել կա դեռ Վարդավառին,
Վոր սար ու ձորից ուխտ դան Լալվարին.

Յերբ վոր են որը գան ծեր, պատանի,

Թող ով վոր քաջ ե նամառը տանի:

Մինչև վոր անցնեն ես չորս-հինգ որը,
Տակն ու վրա արեք դուք սարն ու ձորը.
Ո՞վ վոր մեծ վորսով կգա Սուրբ-Սարգիս,
Նա յեւ կլինի ժառանգն Ավագիս»:

2

Յերբ գիշերը անց, հենց լուսադեմին,
Խոսքը վերջացրեց Ավագ ծերունին,
Տղերքը մեծ-մեծ վորսերի հուսով
Պարկ ու հրացան գցեցին ուսով,
Վորը սարերին, վորը ձորերում
Հրացանը ձեռին վորս ե վորոնում:
Մի տեղ յեղնիկն ե անմեղ բառաչում,
Մի տեղ պախրան ե հանկարծ հառաչում,
Մի տեղ ել արջի՜ վորջից հանելով,
Կովում ե մեկը իր սուր խանչալով:
Գազանը տալով վորսորդին ապտակ,
Դեռ պաշտպանվում ե նրա սրի տակ.
Վայրի վարազը ժանիքը սրած՝
Մացառն ե նետվել ուխտը փրփրած.
Նորից գնդակ են հրացանը լցնում,
Նորից վազելով յետեից հասնում.
Յեւ վորս ու վորսկան սյուրազ¹ ընկնելով,

¹ Արշալ:

Պեղգում են շատին շան վռհմակներով:
Վոմանք ել Լոքում լիճկապ են անում
Յեւ փախածներէից նորից կոտորում:

3

Ամեն տեղ գնդակ, կրակ, վորոտում,
Բայց ինչի՞ Կարոն վորս չի պատրաստում.
Նա թափառելով հրացանը ձեռին,
Դեռ նոր եր գտել մի հարմար դարան
Յեւ մտածելով իր վորսի մասին,
Լուռ գանգատվում եր բախտից ինքն իրան.

«Յես ել եմ ուզում գնալ Սուրբ-Սարգիս,
Յես ել եմ ուզում տեսնել Ալվարդիս.
Բայց ինչ արած վոր դեռ նրա բախտից
Վորս չգուրս յեկավ վորսառատ հանդից.
Երնե՛կ անմուրազ ես ձորում մնամ,
Քան թե յես դատարկ Լալվարը գնամ.

Մեն-մենակ յե՛ս եմ

Սարերին թշվառ.

Վո՛չ բինա ունեմ,

Վո՛չ ել յուրդ, Լալվա՛ր:

Դաշտին թե սարին

Քուն չունեմ, Լալվա՛ր.

Կարոտած յարից

Լուր չունեմ, Լալվա՛ր:

Վորս՝ կուզեմ, Լալվա՛ր,

Վոր տանեմ յարիս.
Վորս կուզեմ, Լալվա՛ր,
Ճար արա՛ դարդիս:

4

Ուր առվակները մանուկ կարկաչով
Դիմում են ձորեր, լցնում հառաչով,
Ժայռերից ժայռեր թափ առած ուժով
Թնդյուն վորոտով փրփրում ե ջրվեժ,
Մոռթը կիտած հին ապառաժով
Ջարգվելով անհույս, յերգում ե վրե՛ժ.
Ուր դեփյուռ մեղմիկ ցրվելով բույրը,
Սուզում ե սիրտը վայելքի ծովում,
Իսկ թարմ շուրթերի կույսի համբույրը
Ծաղիկների հետ անմեղ բարևում.
Ուր զգացումն ե բռնկում հուժկու,
Աղափնուցը հեղ, արծվից ահարկու,
Վորսի հրաթափ գնդակի թռիչ,
Ջրվեժի վայրի յերգը ձորերում,
Ամեն մի հնչյուն անուշիկ, թովիչ
Անցնում ե սիրտը, նրանով փարվում,—
Այն կամարի տակ անսահման կապույտ
Լալվարն ե դարթնում հարսի պես անխույթ:
Գուգարքի հսկան բարձր յեթերից,
Գլուխը հաղիվ հանած ամպերից՝
Ժպտում ե, խնդում փոքր լեռներով,
Վորպես ծերունին իրա թոռներով:

Այսոր նա ժպիտն անուշ ճակատին՝
 Ամպ-յերեսկալը գցած յերկնքով,
 Զուգվում է ուրախ Սուրբ-Սարգսի ուխտին
 Գուգարք աշխարհի զարդ ու պճրանքով.
 Իսկ նրա բարձր դալար դագաթին
 Անշուք քարակույտն առանց տանիքի,
 Հին սուրբ խաչքարը բազմած քարափին
 Գրավում է սիրտը ուխտովոր բինեքի.
 Սար, դաշտ ու հովիտ անթիվ ցիր ու ցան,
 Փրփրուն գետեր, դալար անտառներ
 Մի նվիրական նեղ, մոլոր կածան
 Այնտեղ է տանում բոլոր բինաներ:

5

Ասում են՝ ով վոր միշտ վառ հավատով
 Գալիս է Լալվար վորեւե ուխտով,
 Խնդրում, աղերսում քաջ Սուրբ-Սարգսին,
 Հասնում է անշուշտ սրտի մուրադին.
 Յեվ թե մարդ, թե սար, թե ժայռ, թե բլուր,
 Հաղթված գլխներով խոնարհվելով լուռ.
 Գալիս են նրա զորության ծառա,
 Վորպեսզի հասած ցավը վերանա:
 Վոմանք հասնելով քրտինքն յերեսին,
 Հանգստանում են Լալվարի ուսին,
 Վոմանք ել հեռվից յերկար շարքերով
 Աչքերը հառած գեպի սուրբ սարը՝
 Գալիս են բարձված հազար մեղքերով,

Վորպեսզի դանեն փրկության ճարը:
 Արդեն ջերմեռանդ ծեր, պատանի, կին
 Հազար գունավոր զգեստներ հագին,
 Մատուռի շուրջը խոռնկ ու մոմերով
 Պտույտ են դալիս բոբիկ վոտներով:
 Բերել են այնտեղ և՛ հիվանդներին,
 Յեվ խաչ-փաթաթով թույլ ընկածներին.
 Վորը մի ցավից, կամ չոռից տկար՝
 Ընկել է կծկված սուրբի վոտները.
 Վորն ել ուշաթափ, մորուց ցավազար
 Իրար է զարկում պինդ ատամները,
 Բերանը փրփրած տանջվում չարաչար,
 Քաջ զորավարից աղերսում մի ճար.
 Յեվ մուրադներով՝ թշվառ, բախտավոր,
 Մոմեր են վառում սուրբ խորհրդավոր:
 Մի տեղ ուխտովորը նստում է ճաշի,
 Մի տեղ գնում են կոխին՝ թամաշի,
 Մի տեղ խնձորը նշան են խփում,
 Մի տեղ մատաղը դեռ նոր են յեփում,
 Մի տեղ աշուղը լի սուփրի ծերին
 Բազմած, խփում է սաղի սիմերին.
 Մերթ իզիթների գործերն է գովում,
 Մերթ նամարդների սիրտը նզովում.
 Մի տեղ նաղարան զլում է պարին,
 Զուռնա-բայաթին կանչում է յարին.

¹ Պաշխ պատժած անդամալուծներին:

² Գոտեմարա

Մեկը տեսնում է իր նշանածին,
Մեկը նշանում մտքում սիրածին.
Մի տեղ ել անմեղ կուսական սրտեր,
Զգալով սիրո առաջին շանթեր,
Զեռք-ձեռքի տված յերգում են, պարում,
Ամենքի դեմքին ժպիտ է փայլում

— Զինարի պես բոյ ունես,

Սարի ծաղկի հոտ ունես.

Ափսո՛ս քեզ, վոր տխուր ես—

Անուշ յարից լուր չունես:

— Ես սարերին ուխտել եմ,

Վոր միշտ մատաղ յես կանեմ.

Թե գա յարս մեծ վորսով,

Սերս նրան բաց կանեմ:

Ավագ-վորականը սարին

Ետը հանդես բաց կանի,

Ա՛խ, յերանի են յարին՝

Ավագությանն արժանի:

6

Իսկ այնտեղ խմբով անվանի քաջեր
Զենք ու զրահը դրած ուսերով՝
Բերել են յեղնիկ, յեղջերու, արջեր
Յեմ պարծենում են իրենց վորսերով:
Բայց հանկարծ լավեց կանացի հառաչ.
Մի խումբ աղջիկներ վազեցին առաջ
Յեմ հեկեկալով, հայտնեցին ծերին.

— Սիրուն Ալվարդին բեգերը

փախցրին...

Զորս-հինգ ձիավոր զինված հրացանով՝

Անցնում էյին լուռ մոլոր կածանով.

Հենց վոր մեղ տեսան, նրանք կանգնեցին,

Իրար հայտնելով առաջ վազեցին.

«Մի տե՛ս, են սիրուն, լեյլի աղջկան,

Նրա պես հյուրիք յերկնքում չկան.

Դալի-երմանու զողջած սևուկն ել,

Արար աշխարհն ել մտքես հանեց նա:

Դե՛, տեսնեմ, տղե՛ք, ով կարա բռնել.

Նրան փախցնողը ջաննափ կզնա»:

Յեմ նրանք տարան սիրուն Ալվարդին,

Կորած ձիու տեղ կապեցին թարքին.

Մենք լսում էյինք դեռ նրա հարան.

«Ա՛լի ջան, ա՛լի», կանչում եր՝

«տաարա՛ն»:

7

Ծերունին կանգնած քարափի գլխին՝

Զայրացած ուժգին դարձավ ամբոխին.

«Հե՛յ, տղե՛ք, սև սող պահեցեք,

Դափ ու զուռնայի ձենն ել կտրեցե՛ք.

Տեսնում եմ, վոր դուք շատ ուժ եք թափել

Յեմ գազանների մեծ վորսեր բերել.

Բայց վոչ վոք չի՛նիլ դեռ Ավագ-վորական,

Մինչև չազատի գերի աղջկան.

Վա՛յ, թե բեզերն ել անպատվեն նրան,
Ամոթ, նախատինք կմ'նա համիտյան»...

Ել ժպիտ չմ'նաց վո՛չ մեկի դեմքին,
Վիշտն ու վրեժը տիրեց ամենքին.

Լռեց և՛ քեֆը, և՛ ամեն չընկնջ,
Մարեց արձագանք ձորերում լուռ-մունջ:

Դեռ ժայռից նոր եր իջել ծերունին,

Մի տրաքոց լսվեց կաղնուտի ձորում:

«Դե՛, հասե՛ք, տղե՛ք, հասե՛ք են ձենին,
Կռիվ ե ենտեղ, մարդիկ են դռոում»:

Ուխտվորը մոռցած հանդիսի որը,

Շեշտակի վազեց կաղնուտի ձորը:

Յեմ տեսավ այնտեղ աղբյուրի փոսում

Ընկած բեզերից արյուն ե հոսում:

Կարոն Ալվարդի դեմ կանգնած արի՝

Յերգում ե վորսած աչերը յարի.

«Ալվարդ, Ալվարդ սև աչերից

Յես ընկել եմ սար ու ձոր

Ալվարդ, Ալվարդ, սև աչերից

Դադար չունեմ վո՛չ մի որ:

Քեզ տեսնելով, կռիվ ու ջարդ,

Չար մտքերս ցրվեցան.

Նրանց տեղը, սիրուն Ալվարդ,

Դու յես կապել ծիածան:

Են որվանից սիրտս ել ե

Անուշ, բուրում, կանաչում.

Են որվանից սիրտս ել ե

Արնածարավ քեզ կանչում:

Ա՛ռ զենքերս դու մեկմեկ,
Յես հաղթված եմ քո սիրով.

Առ զենքերս, վոր յերբեք

Յես չեմ տվել խիստ կռվով:

Ալվարդ, Ալվարդ, սև աչերից

Յես ընկել եմ սար ու ձոր.

Ալվարդ, Ալվարդ, սև աչերից

Յես հաղվում եմ որեց որ»:

8

Հետո ուխտվորի հետ նա միասին
Գնաց պատմելով բեզերի մասին.

«Հրացանս լցրած յերկու գնդակով՝
Յես նստած եյի կաղնուքու կողքին.

Մեկ ել ի՛նչ տեսնեմ, գալիս են շարքով
Չորս-հինգ ձիավոր մի աղջիկ թարքին:

Տեսա, վոր մեկը ճանաչս ե գալիս,

Ասլան-բեզին եր նմանը տալիս.

Աղջիկն ել ասի, թե խեղճ ե թշվառ,

Տե՛ս, թե ի՛նչ վորսով յետ կերթամ Լավար.

Հանկարծ լսեցի՝ «վա՛յ, տանում են,
վա՛յ»...:

Տեսա, վոր կապածն աղջիկ ե և հայ.

Մի գնդակ թողի հենց ծառի կողքից,

Ասլան-բեզն ընկա՛վ իր ձիու մեջքից.

Յես նորից լցրի և նորից ընկան,

Մի մարդ ու մի ձի հաղիվ թե պրծան.
Ալվարդն ել յեղավ իմ վորսը անգին
Ահա բերել եմ, վոր տամ Ավագին»:

9

Ուխտվորը խառնվեց, փնտրում է նրան,
Ուզում է տեսնել, ո՞վ է քաջ տղան:
Ծերը դաշույնը հանեց իր դռակից,
Տվեց Կարոյին ամբոխի դիմաց
Յեվ համբուրելով նրա ճակատից,
Դողդողջուն ձայնով որհնելով, ասաց.

«Ապրիս դու, Կա'րո, յերկար տարիներ,
Վոր միշտ ազատես անմեղ գերիներ.
Լալվարն ել լինի թո'ղ խոսքիս վկան,
Վոր քեզ որհնում եմ յես Ավագ-վորսկան»:

Նորից նույն գուռնան-նաղարան հնչեց
Յեվ քաջ Կարոյին կյանք և ուժ մաղթեց.
Ուխտվորն ել վերջին ջերմ համբույրներով
Իջավ Մուրը Սարգսից նեղ կածաններով.
Յեվ պար ու յերգով Լալվարից նա ցած
Գնաց իր սրտի մուրազը առած.

Կույր աշուղներն ել յերգ հորինեցին
Յեվ նոր իգիթին գովաբանեցին:

— Կարոն է դարկել

Բեզերից մեծի'ն,

Կարոն է փրկել

Սիրուն Ալվարդին:

Թույլերի պաշտպան
Չկա նմանը.
Որհնել է նրան
Ավագ-վորսկանը:
Թնդում են լեռներ
Յերգերով գովքի—
Կարոն է, Կարո'ն
Արժանն Ավագի...

ԶՈՐՐՈՐԴ ՅԵՐԳ

1

Աշունն ել յեկավ Գուգարք աշխարհում
Սարին ու դաշտին այլ կյանք է յեռում.
Խուզելով դառան, վոչխարի բուրդը,
Քոչել է բինեն թողնելով յուրդը.
Լեռներից զվարթ դիրացած հոտեր
Ձմեռվան համար իջել են դաշտեր.
Յուրդերը դատարկ սեին են տալիս,
Աղբյուր ու ծաղիկ վողբում են, լալիս.
Մենակ խաղում է, թռչկոտում պախրան,
Սարեր ու ձորեր մնացին նրան.
Արծիվն ել տխուր նստած ժայռերին՝
Վորսեր է փնտրում իր սոված փորին:

2

Դաշտերում հոգնած խեղճ ու նաչարին
Լավ հաց ու գինով պարգևեց տարին.

Յեւ մի համբույրով գթօտ հայրական,
Ավագ-վորական որհնեց աղջկան:

4

Հանկարծ խեղճ կույսը գլուխը թեքեց,
Դեմքը ալլալլիկեց, նա դողաց լուրից,
Յեւ մատաղ կուրծքը նետի պես շանթեց
Այն ավետիքը, վոր լսեց հորից:
Նա ճնշված գաղտնի ներքին հուզումով,
Զյունի պես ճերմակ ձեռքերը կրծքին,
Դեռ սպասում եր նախազգացումով,
Ինչպես անմեղ զոհ ծերունու կողքին:
Թեև արցունքը նա շուտ կուլ տալով,
Սիրո կռիվը ծածկեց իր հորից,
Բայց սիրտն ասում եր ուժգին տրոփալով՝
«Մարդու չեմ գնալ բացի Կարոյից»:
Յեւ դեռ հայտնի չեր վորսականին սերը,
Վորով այրվում են յերկու սրտերը.
Բայց ո՞վ կիմանա՝ սե՞րը կհաղթի,
Թե, նվիրական խոստումն իգիթի:

5

Քանի գիշեր է, մինչև լուսադեմ
Ծեր, յերիտասարդ, այր, կին Ժպտաղեմ
Հազար գունավոր զգեստներ հագին՝
Խնդում են բարձր Դեպետի ափին.

Հանդես է այնտեղ մեծ հարսանիքի,
Զուռնան զլել է վաղուց սահարիքի:
Թնդում է հանկարծ ձայնը Ավագի,
Հոսում է սպիտակ ու կարմիր գլինին.
Վորականը՝ առատ վայրի երեսներ,
Յերինջ, վոչխար է հարսնիքին մորթել.
Յեռում են չորսկանթ խոշոր կաթսաներ,
Կրակի ծուխը յերկինք է պատել:

Մի տեղ ամբոխը խմբով նստոտած՝
Անուշ է անում, հարսանիքն որհնում,
Իսկ աշուղները, մրցելով հարբած,
Ալ-վարդի համար յերգ են հորինում.
Մի տեղ սահելով, հարսն ու աղջիկներ,
Կազմում են ուրախ շրջապարի շարք,
Մի տեղ ձողերին վառած պատրույգներ
Յերեխայք գոռում, վազում են անկարգ.
Հերթիկների տակ և արձակ բակում
Թնդում են հազար աղմուկ ու յերգեր.
Փրփրած գինու թասերը ձեռքում՝
Ուտում են քաշկյան², խորոված, մրգեր:
Այսոր խնձուկք է, մյուս որն էլ հանդես,
Յոթ որ, յոթ գիշեր կտևի այսպես.
Դյուզլի աղքատը, ծերն ու պատանին
Յոթ որ, յոթ գիշեր հյուր են վորականին:

¹ Առափոսյան յերգի յեղանակ:

² Թոնրի մեջ մսից և ձուկներից պատրաստած հորիսի նման
կերակուր, կորկու:

Հանկարծ Ավագի ջերիդը ճոճաց,
 «Ջերիդ ե՛, ջերի՛դ», ամբոխը ճչաց.
 Դհուլը դժբաց, հեծվորներն անցան,
 Կազմեցին միմյանց հակառակ շրջան:
 Զինված ձողերի սուր նիզակներով
 Հենց բաժանվեցն յերկու բանակի՝
 Բարձրացրեց փոշին ձին սմբակներով,
 Դլուխներ պատուեց զարկը նիզակի,
 Յեռում ե հանդեսն ահեղ ջերիդի,
 Հասնում են արագ, զարկում մեկ-մեկի.
 Զեռքներին բռնած թավիշ-թաշկինակ՝
 Դիտում են հեռվից և հարս ու աղջիկ՝
 Իսկույն տալիս են նրան մրցանակ,
 Ով փոր նշանին նետում ե ճարպիկ:
 Աթոն ել յեկավ շատ անգամ անցավ,
 Բայց նա Ալվարդից վռչինչ չստացավ.
 Զիերի կրծքից քաղաղին՝ կապած՝
 Դեռ փոփուարով, քշում են, թռչում,
 Բայց չի նկատում ամբոխը հարբած,
 Վոր խեղճ Ալվարդն ե ամենից տրտում:
 Շատերը հաղթված մեկ-մեկ հեռացան...
 Մենակ Ավագը ջերիդը ձեռքին՝
 Ինչպես հաղթության վիթխարի արձան,
 Հասնում եր, զարկում փախչողի մեջքին:

1 Մետաքոն թաշկինակ:

Մուլթն ընկավ արդեն. փայլում են
 կրակներ,
 Նորից հյուրերը նստում են շրջան,
 Լցնելով փրփրած գինով գավաթներ,
 Յեռուն քեֆի մեջ կանչում են՝ «Հա ջա՛ն»...
 Նորից զուռնան ե հանում աղմուկը,
 Աշուղը թառին լարում ե յերգեր.
 Նորից յերգում են ծերն ու մանուկը
 Բռնելով ամուր նոր յալլու շարքեր:
 Հարբածների հեռ Դեպետը ձորում
 Փրփրած աչքերով ժայռե քնարին,
 Ծփում ե տխուր, անվերջ փրփրում,
 Հազա՛ր յերանի տալով անցյալին:

Յերը հողմն եր փչում, Դեպետը վշշում
 Գիչերվա վայրի մի տխուր համերգ,
 Իսկ պաղ կայծերով աստղը զենիթում
 Դողալով դիտում մռայլ տիեզերք,—
 Գիչերվա նման մի մուգ սև շալում.
 Ալվարդը գաղտնի անտառն եր մտել,
 Իսկ վաղուց ծանոթ մթին դարանում
 Նրան պահապան մացառն եր պատել:
 Նրա համար չեր յերկնի կապույտը,
 Նա չեր դուրս յեկել իրրե զբոսանք.

Վորպես ջրվեժի թափն ու պտեղյոտը,
Նրան քչել եր վառ սիրո հոսանք:
Յեվ այդպես փախած մթին գիշերով
Հայրական տնից, հորիցը գաղտնի՝
Նա սպասում եր սրտի դարկերով
Իրա սիրելուն սարերին հայտնի:

9

Հանկարծ անտառի մռայլ թավուտից
Հսկեց սմբակի տրոփ ու դուփյուն,
Գրտինքը հոսեց կույսի ճակատից,
Ճերմակեց, դառավ ինչպես լեռան ձյուն,
Փայլեցին արդեն ձիու պայտերը,
Յեվ մի ծանոթ ձայն՝ «Ա՛լվարդ ջան» կանչեց.
Կարմրին տվին կույսի այտերը,
Նա սրտի խորքից աղատ հառաչեց:
Ա՛յ, քեզ ցանկալի յերջանիկ բոպե,
Յերբ կարոտ սրտեր գտնում են իրար,
Փշրելով արգելք թեկուզ յերկաթե,
Գտնում են միմյանց յերկու սիրահար:
Հեծվորը թռավ սև ձիուց շտապ,
Ալվարդին հանեց խիտ մացառներից,
Գրկեց ու սեղմեց կրծքին սիրաբապ,
Համբույրներ քաղեց այտ ու շուրթերից:
«Ա՛լվարդ ջան, Ա՛լվարդ, Կարոն շշնջաց,
Յե՛կ, չուտով փախչենք, քանի գիշեր ե.
Գիտեմ՝ իմաստուն ձիւ վոր խրխնջաց,

Փորձանք լինելը նա զգացել ե.
Ա՛ռ զարարինաս, կախի՛ր քո վզից,
Նա պետք կզա քեզ գիշերը ճամփին,
Մինչև վոր թռած անցնենք անտառից,
Մինչև վոր տունս գտնենք քարափին»:

— Թեկուզ սրտումս ցցեն սուր ու նեւ,
Յեո պիտի ապրեմ ու մեռնեմ քեզ հետ,—

Ասաց Ալվարդն ու բռնկված հույզով
Ամուր փաթաթվեց Կարոյի վզով:
Փախավ նրա հետ, գլուխն ու ալյոտը
Հենած սևուկի վրիճուռն բաշին.
Ջարմվելով քարին զրնգում եր պայտը
Յեվ սերը յերգում նրանց ականջին:
Մոռցած ծերունի հոր պատվի մասին,
Կուսական սրտից հուր եր բռնկում.
Սարերից ձորեր թև առած սև ձին
Թաղում եր դուփյունն մթին ծմակում:

10

Հանկարծ լսվում ե «հարան ու տարան»,
Հարսընթատանը լռում ե զուռնան.
«Կարոն Ալվարդին փախցրեց, տարավ,
Կարոն ամեն ինչ վոտնատակ արավ...
Թյո՛ւհ, անաղուհաց, նամարդ արարքին,
Անդանակ մորթեց իգիթ Ավագին»:
Ծերը զարկելով գտակը գետնին,
Խոռված ձայնով դարձավ ամբոխին.

— Ես ութսունն ձմեռ, ես ութսունն դարուն
 Յես կյանք եմ քաշել աշխարհի վրա,
 Բայց չեմ թողել, վոր Ավագի անուն
 Մի թեթև բանով անգամ սեանա.
 Եսքան տարի յե, վոր կուլի սովոր,
 Արյունն ե յեղել ինձ համար քրտինք,
 Եսքան տարի յե գլուխս արևոր
 Չեր կերել եսպես մուր ու նախատինք.
 Բայց գող Կարոյի նամարդ արարքը
 Թաղեց վորսկանիս պատիւն ու փառքը:
 Թեև յերդվել եմ, վոր ել վորս չանեմ,
 Բայց ես նամարդի մուրն ել վո՞նց տանեմ,
 Ասաց ու ծերը հրացանը ուսեց
 Յեվ տըմբտըմբալով խոր ձորը վաղեց.
 Վո՞մանք ձիերով, վո՞մանք ել վոտով
 Վաղեցին հետը զանազան ճամփով:

11

Ավագ-վորսկանը չանթված ամոթով՝
 Գնաց, թափառեց անտառ ու ծմակ.
 Անցավ նա ամեն մի նեղլիկ ճամփով,
 Ուր վորս եր արել ջահել ժամանակ.
 Բայց վո՞չ փախցնողին, վո՞չ ել աղջկան
 Չգտավ այնքա՛ն հետքեր փնտրելով,
 «Աւ-վարդն ու Կարոն չկան ու չկան»,
 Ասում ե անհույս նա դեղերելով:
 Արդեն հոգսահատ, տանջված և անքուն

Անցնելով հոգնած վերջին կիրճերը,
 Մի խիտ դարևոր միջին ծմակում
 Հանկարծ նա գտավ ձիու հետքերը
 Յեվ լսեց, ինչպես զգուշ տրոփով
 Աւ-վարդն ու Կարոն թռչում են ճամփով.
 «Հե՛յ, Կա՛րո, Կա՛րո», վորսկանը գոռաց.
 Միբահարները մնացին սառած.
 «Նդպես ես պատվում հին աղ ու հացը,
 Նդպես ես սիրում որենքն իգիթի,
 Քեզ նման նամարդ գող արարածը
 Ինչի՞ չի վաղուց զոհվել գնդակի»:
 Կարոն շվարած վորպես յերագում՝
 Իսկույն հասկացավ, թե ով եր խոսում.
 Բայց գնդակ տըծժաց, անտառը թնդաց,
 Յեվ նա գլորվեց սև ձիուցը ցած:
 Իջնում ե մահը մռայլ թևերով.
 Նա արդեն գրկեց իգիթ Կարոյին.
 Այրված չուրթերը՝ վա՛յ ջուր կանչելով,
 Կպան փակելով հուրը սիրային:
 Աւ-վարդն իր գանգուր գեսերն ե փետում,
 «Վա՛յ, Կա՛րո ջան, վա՛յ», անտառն ե
 թնդում...

Յեվ դարաբինան պինդ ձեռքին սեղմած՝
 Աւ-վարդը կանչեց հորը զառամած.
 «Յե՛կ, ա՛պի ջան, յեկ անտառից չուտով,
 Յե՛կ, ինձ ե՛լ զարկիր մի նոր գնդակով,
 Ա՛խ, անսեր կյանքը ծանր ե դեհենից.
 Լա՛վ ե հեռանամ ես փուչ աշխարհից,

Լավ ե միանգամ սիրելով մեռնեմ,
 Բան թե միշտ անսեր թագուհի լինեմ.
 Մեզանից հետո, ե՛յ սա՛րեր, ձո՛րեր,
 Աղբյուր ու առու ուրախ, քչքչան,
 Յերգեցե՛ք՝ ինչպես կորան մեր որեր.
 Յերգեցե՛ք՝ «Ալ-վարդն ու Կարոն չկան»:

Սև ծխի միջից գնդակը թռավ...
 Ալ-վարդը վերջին մահվան տազնապում
 Սիրուն գլուխը գետնի վրա դրավ
 Յեվ լուռ գալարված խոտ ե պոկոտում:
 Դեռ թրթռում են նրա շուրթերին
 Կյանքի գույները մեկ-մեկ մարելով,
 Սփրթնած վարդը կարմիր այտերին
 Հրաժեշտ ե կարդում ընդմիշտ թռամելով:
 Մարում ե հուրը սև-սև աչերի,
 Սահում ե կյանքը անհուն տենչերի.
 Ծորում են կամաց արյան շիրթերը,
 Սպառում կյանքի վերջին ուժերը.
 Յեվ ամեն մի նոր ծորած կաթիլով
 Կարծես ասում ե՝ կյա՛նք, մնաս բարով:

12

Վերջին արևը ճառագայթներով
 Դեռ արևմուտքից անտառի խորքում՝
 Սիրահարների լուռ դիակներով
 Խաղում ե անհոգ, փարվում ու զրկում.
 Տրաքոցի վրա հեռու ձորերից

Վաղելով հասավ հարսընքավորը,
 Արյուն-արցունք ե թափվում աչքներից,
 Մենակ չի լալիս ծեր հանցավորը:
 Դղգղված գեսեր, գնդակը կրծքին՝
 Սարսափ եր ազդել Ալ-վարդն ամենքին.
 Ոտար, բարեկամ վողբում են նրան,
 Անեծք թափելով Ավագի վրան.
 Կանչում են նրան. «Ինչի՞ չես դալիս,
 Ինչի՞ չես դու յեւ մի բերան լալիս»...
 Բայց նրանց լացը, ճիչն որհասական
 Դարձյալ չեն ազդում քարացած ծերին,
 Յեվ անշարժ կանգնած ծերունի հսկան՝
 Նայում ե միայն նրանց կոծերին:

13

Անտառան հենված նա նվիրական
 Հին աղ ու հացի պատվի որենքին՝
 Եւ չեր ամսոսում միակ աղջկան.
 Այլ բան եր դգում իգիթի հողին:
 Թեև նա վերջին ուր ծերության
 Ներկեց իր միակ վորդու արյունով,
 Բայց համոզված եր, վոր արդարության
 Ձի դավաճանել դեռ վոչ մի բանով.
 Վոր ամսոսանքը և լացն ու կոծը
 Եւ չեն բուժելու սրտի սև խոցը,
 Այլ նրան միայն որենքն իգիթի
 Իր անդարձ ուժով մի որ կդատի:

Մերթ թռչում ե նա դեպի ապագան,
 Ուր ստվերներով դատի պիտի դան
 Տմարդ սերնդի տգեղ արարքը
 Յեւ չին իգիթի պատիւն ու փառքը.
 Մերթ լուռ, քարացած, առանց արցունքի
 Դեպի նոր բանող բլուրն ե դառնում,
 Մերթ նրա դեմքը թաղվող հանցանքի
 Տխրութեան ամպ ե հանկարծ մռայլում.
 Մերթ անշարժ կանգնած հրացանը ձեռին,
 Ինչպես դարավոր լեռների արձան,
 Նա հուժկու մեջքը դեմ տված ժայռին՝
 Նայում ե թաղմանն անթարթ ու անձայն:
 Յեւ չին կնճռոտած, ապառաժ դեմքով
 Կարծես ծաղրում ե դեռ լալիկներին,
 Վորոնք հանձնում են հողին խնամքով
 Իր աջող վորսած սիրականներին:

14

Հանկարծ զոռ տալով յերկար չիբուխին,
 Նա վերջը դարձավ լալիկան ամբոխին.
 «Հե՛յ գիդի հա՛, հե՛յ, իգիթ ժամանակ,
 Անցար, գնացիր, թողիր ինձ մենակ.
 Ո՛ւր են առաջիկա սերն ու հավատը,
 Պապերից դրած որենքն առաջին.
 Իգիթ չե՞ր ասվում են տղամարդը,
 Վոր չե՞ր խոնարհվում սուրբ աղուհացին.
 Արար աշխարհի որենքներ զեմ

Յես նրանից մեծ որենք չգիտեմ:
 Յեւ ի՛նչ արարած, ի՛նչ աղամվորդի,
 Կոտրելով պատիւն, անունն իգիթի,
 Ապրում ե մենակ ինքը նամուսով,
 Դրացուն պատվից գցելու հուսով:
 Թեկուզ աշխարհն ել դուլ անի իրան,
 Իսկի տղամարդ չեմ ասիլ նրան:
 Մարդիկ մանրացան մժեղի նման.
 Արցունքն ե դառել ցավերին դարման.
 Բայց վողբն ու լացը ել ինձ չեն ազդիլ,
 Ծով ել վոր դառնամ, արցունք չի կաթիլ:
 Հե՛յ, գիդի հա՛, հե՛յ, իգիթ ժամանակ,
 Անցար, գնացիր, թողիր ինձ մենակ:
 Հեռացե՛ք դուք ել, թողե՛ք միանամ
 Ժայռ պապերիս հետ, յես ել քարանամ»:
 Ասաց ու լռեց ծերը գլխակոր,
 Ինչպես վիթխարի մի ժայռի բեկոր:

15

Են չին վանքերի բարձր դմբեթից
 Չեն հնչում մահվան դանդի ձայները,
 Յեւ չարականից, բուրվառ ու խաչից
 Չրկվեցին նրանց պաղ մարմինները.
 Հարսնջրավորի վողբըն ու լացը
 Յեւ սե նժույգի խորին թառանչը,
 Աչնան հողմի հետ արձագանք տալով,
 Յերգում են ձորում թաղման չարական,

«Ա՛խ, Ալ-վա՛րդ, Կարո՛», լուռ հառաչելով,
 Փորում են նրանք մի խոր գերեզման,
 Յեվ սիրակորույս զույգ նշխարները
 Հանձնում են ցավով հայրենի հողին.
 Իսկ բլուր դարձած սիրահարները
 Պատմում են սիրո արկածն անցնողին:

16

Դառն ափսոսանքով ամբոխը գնաց.
 Անտառում մենակ վորսկանը մնաց.
 Նա քաշվեց հեռո՛ւ մութ ծմակները,
 Հսկա ժայռերին յեղավ դրացի,
 Ուր չեն վորոտում վո՛չ գնդակները,
 Վո՛չ լավում ձայնը մարդկության լացի.
 Գլուխ չթեքած մարդկանց որենքին՝
 Նա յեղբայրացավ հավերժ տարերքին:

ՎԵՐՋԱԲԱՆ

Յերբ վոր բացվում են վայրի վարդերը,
 Յերբ դարնան բույրով ձորն է կանաչում,
 Դալիս են այնտեղ մատաղ կույսերը,
 Ալ-վարդին իրանց սերը մրմնջում.
 Մի-մի կտոր շոր թուփից կապելով,
 Հիշում են նրանք արցունք թափելով.
 Յեվ ա՛յն մամռապատ մենակ բլրակը
 Նոր կյանք է առնում հին կաղնու տակը:

Յերբ յեղջերուն է այնտեղ բառաչում
 Կամ յեղնիկն անհոգ վրայից թռչում,
 Վորսորդն էլ՝ աղբրից պաղ ջուր խմելով,
 Անցնում է, վորսի հետքից վազելով—
 Հանկարծ ցույց տալով բլրակն ընկերին,
 Դառնում է վաղուց անցած դեպքերին.

— Դու ջահել ես գեո, լավ չես ճանաչում,
 Ալ-վարդն ու Կարոն այստեղ են հանգչում:
 Ո՛ւր են առաջիմ մարդիկն ու սերրը,
 Ավազ-վորսկանի արած վորսերը...

Ասում են, յերբ վոր ամպի փեշերը
 Փովելով սարից, ձորերն են գրկում,
 Լավում է հանկարծ մթին գիշերը.
 Մի խոր հառաչանք ժայռերի կրճռում.
 Ու ամպերի մեջ Ավազ-վորսկանը
 Գալիս է հսկում իր աղջկանը.
 Յեվ նորից ծածկած նա վիշտը ներսից՝
 Փախչում է նամարդ մարդկանց յերեսից:



ԼՈՒՅՍ ԵՆ ՏԵՍԵԼ

1. Ն. Զարյան—Սարգս Միկինյան
2. Ա. Վշտունի—Ռամ—Ռոյ
3. ~~Ս. Զարյան—Փորձանք~~ ~~Ս. Զարյան—Փորձանք~~ ~~Ս. Զարյան—Փորձանք~~
4. Ս. Զարյան—Փորձանք
5. Հ. Թումանյան—Սասունցի Դավիթ
6. Գ. Սարյան—Պահակ
7. ~~Ս. Զարյան—Փորձանք~~ ~~Ս. Զարյան—Փորձանք~~ ~~Ս. Զարյան—Փորձանք~~
8. ~~Ս. Զարյան—Փորձանք~~ ~~Ս. Զարյան—Փորձանք~~ ~~Ս. Զարյան—Փորձանք~~
9. Հ. Մելիքյան—Աղջիկը՝ մորու փունջը ձեռին
10. Սիրան—Թաթաման
11. Սիրան—Ասմար
12. ~~Ս. Զարյան—Փորձանք~~ ~~Ս. Զարյան—Փորձանք~~ ~~Ս. Զարյան—Փորձանք~~
13. Ա. Շահնազարյան—Են սե որերից
14. Ս. Տարոնցի—Աղալիա
15. ~~Ս. Զարյան—Փորձանք~~ ~~Ս. Զարյան—Փորձանք~~ ~~Ս. Զարյան—Փորձանք~~
16. Հ. Միրաբյան—Լալվարի վոբսը

ՀՀ Ազգային գրադարան



NL0352533

43945

